

COV LUS QHIA UA DAIM FOOS QHIA PAUB TXOG KEV UA HAUJ LWM RAU TUS KHEEJ SELF-EMPLOYMENT INCOME REPORT INSTRUCTIONS

Cov nyiaj khwv tau los uas koj muab qhia rau hauv daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los (Self-Employment Income Report) (F-00107) yog muab siv los mus xyuas seb koj puas muaj raws li cov cai tswj hais txog cov nyiaj tau los rau cov kev pab cuam xws li BadgerCare Plus, FoodShare, los yog Medicaid for the Elderly, Blind, or Disabled. Cov lus uas koj muab tso rau hauv daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los tsuas muab siv los mus saib seb koj puas muaj raws li cov cai hais txog cov nyiaj tau los rau cov kev pab cuam no **nkaus xwb**.

Tsab Ntawv Ceeb Toom Txog Kev Ua Hauj Lwm Rau Tus Kheej Cov Nyiaj Khwv Tau Los tsis yog tib txoj kev rau koj qhia txog cov nyiaj khwv tau los ntawm koj txoj hauj lwm ua rau tus kheej. Koj qhia tau cov ncauj lus lwm txoj kev, xws li koj siv koj cov ntaub ntawv ua se rov qab los yog cov ntaub ntawv teev tseg kev siv nyiaj txiag. Yog koj tsis qhia paub txog koj cov nyiaj tau los ntawm txoj hauj lwm koj ua rau tus kheej no, koj yuav tsis tau koj cov kev pab.

COV LUS QHIA

Ua kom tiav Tsab Ntawv Ceeb Toom Txog Kev Ua Hauj Lwm Rau Tus Kheej Cov Nyiaj Khwv Tau Los (Self-Employment Income Report) raws li koj muaj cuab kav ua tau zoo tshaj plaws. Qee cov ncauj lus twb yeej xub sau teb rau lawm. Yog tias muaj cov twb sau teb rau lawm, ua tib zoo muab xyuas thiab kho rau yog tsim nyog.

Cov lus uas koj muab ntawd nyob ntawm seb koj qhib koj qhov lag luam los tau ntev npaum cas lawm los yog thaum twg koj qhov lag luam muaj kev pauv tseem ceeb (piv txwv li, koj muaj ib tus mob es cia li ua rau lub lag luam mus tsis taus yog tsis muaj koj):

- Yog koj qhov lag luag qheb los tau peb lub hlis los yog tau muaj ib qho kev pauv tseem ceeb peb lub hlis dhau los, ces tsuas qhia cov nyiaj tau los thiab cov kev siv nyiaj hauv peb lub hlis ntawd xwb.
- Yog koj qhov lag luag tau qheb tsawg tshaj peb lub hlis los yog tau muaj ib qho kev pauv tseem ceeb tsawg tshaj peb lub hlis, ces tsuas qhia cov nyiaj tau los thiab cov kev siv nyiaj hauv lub (cov) hlis uas koj qhov lag luag qheb ua hauj lwm los yog tau muaj qhov kev pauv. Ces koj yuav tau **khwv yees** seb koj cov nyiaj tau los thiab cov kev siv hauv sij hawm peb lub hlis uas tseem tshuaj ntawd yog pes tsawg.
- Yog koj qhov lag luag qheb los tau ntau tshaj peb lub hlis los yog tau muaj ib qho kev pauv tseem ceeb ntau tshaj peb lub hlis dhau los, ces koj yuav tau qhia rau peb rau txhua lub hlis ntawm cov hli uas koj qhov lag luam qhib los yog tau muaj kev pauv. Koj yuav tau qhia ncauj lus mus txog 12 lub hlis. Koj hu tau rau lub chaw khiav hauj lwm rau koj yog koj xav tau ib daim luam ntawm daim foos ntxiv.

Koj tseem hu tau rau lub chaw khiav hauj lwm rau koj yog koj xav tau kev pab ua kom tiav daim foos no. Tus xov tooj uas koj hu tau lub chaw khiav hauj lwm muaj nyob ntawm tsab ntawv uas koj tau txais es hais kom koj ua kom tiav daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los thiab muaj nyob rau ntawm Department of Health Services lub website ntawm www.dhs.wisconsin.gov/forwardhealth/imagency/index.htm.

Nws muaj ib txoj kev ntawm cov hau kev nram qab no rau koj xa koj daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los:

- **App hauv Xov Tooj Ntawm Cev:** Siv MyACCESS qhov app siv hauv xov tooj ntawm cev yees thiab xa tag nrho cov nplooj ntawm koj cov ntaub ntawv.
- **Online:** Luam thiab suam (scan) tas nrho txhua phab ntawv ntawm daim foos mus rau ACCESS. Koj ua tau qhov no nyob hauv koj tus account hauv ACCESS, uas yog nkag mus rau hauv access.wi.gov. **Faj Seeb:** Yog koj tsis muaj ib tus account hauv ACCESS, koj mus tau rau hauv access.wi.gov thiab ua kom tau ib tus rau koj.
- **Fax:** Fax tas nrho txhua phab ntawv ntawm daim foos mus rau ib tus ntawm cov zauv nram qab no:
 - 855-293-1822 yog koj **tsis** nyob hauv Milwaukee County
 - 888-409-1979 yog koj nyob hauv Milwaukee County
- **Xa Ntawv Mus (Mail):** Xa daim foos mus rau qhov chaw nyob uas muab teev rau ntawm daim ntawv (Document Tracking Sheet) uas muab tuaj ua ke nrog tsab ntawv koj tau txais uas hais kom koj ua kom tiav daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los.

- **Tus Kheej Nqa Mus (In Person):** Nqa daim foos mus rau lub chaw ua hauj lwm qhov chaw nyob uas muab teev rau ntwam daim ntawv (Document Tracking Sheet) uas muab tuaj ua ke nrog tsab ntawv koj tau txais uas hais kom koj ua kom tiav daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los.

Nco ntsoov xa daim ntawv (Document Tracking Sheet) uas muab tuaj ua ke nrog tsab ntawv koj tau txais uas hais kom koj ua kom tiav daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los. Qhov no yuav pab lub chaw ua hauj lwm lis tau koj cov ntaub ntawv kom sai li sai tau.

NQE LUS 1 – QHIA PAUB TXOG TUS KHEEJ

Sau koj lub npe, thiab tus zauv cim txhoj. **Faj seeb:** Koj tus zauv cim txhoj yog rau ces kaum saum toj kawg sab xis ntwam cov ntawv uas koj tau txais tuaj ntwam Xeev Wisconsin hais txog cov kev pab koj tau txais.

NQE LUS 2 – QHIA PAUB TXOG QHOV LAG LUAM

Sau koj qhov lag luam lub npe thiab chaw nyob. Thiab sau seb yog hom lag luam dab tsi uas koj yog tus tswv, koj qhov lag luam pib thaum twg, thiab tsawg feem pua ntwam qhov lag luam yog koj ntiag tug. Yog koj qhov lag luam muaj ib qho kev pauv tseem ceeb, sau lub hli thiab lub xyoo uas muaj qhov kev pauv ntawd. Tej zaum koj twb qhia lub hli thiab lub xyoo ntwam qhov kev pauv no rau lub chaw ua hauj lwm lawm. Yog koj twb qhia lawm, sau lub hli thiab lub xyoo uas koj thiab lub chaw ua hauj lwm pom zoo.

NQE LUS 3 – KOS NPE THIAB HNUB TIM

Tshab xyuas cov ncauj lus uas koj qhia kom paub tseeb tias yeej yog ces kos npe thiab sau hnub tim rau tsab ntawv.

NQE LUS 4 - QHOV LAG LUAM COV NYIAJ TAU LOS THIAB COV KEV SIV NYIAJ

Sau cov nyiaj tau los thiab cov kev siv **rau tas nrho qhov lag luam**. Lub chaw ua hauj lwm mam li xam koj feem xyuam ntwam cov nyiaj khwv tau los thiab cov kev siv nyiaj raws li qhov koj ua tus tswv rau qhov lag luam seb yog pes tsawg.

Lub hlis qhib lag luam

Sau cov npe ntwam cov hlis uas koj muab cov lus qhia paub.

Lub xyoo qhib lag luam

Sau lub xyoo uas koj qhia cov ncauj lus txog.

Cov sij hawm teev uas ib tus tib neeg ua hauj lwm rau qhov lag luam thaum lub hlis qhib qhov lag luam

Rau txhua lub hlis, sau cov xuaj moos uas koj tau ua hauj lwm rau koj qhov lag luam lub hlis ntawd.

A. QHOV LAG LUAM COV NYIAJ TAU LOS TAS NRHO

1. Cov nyiaj tau txais tas nrho thiab/los yog cov nyiaj tau los ntwam muag tej khoom

Sau cov nyiaj tau los tas nrho uas koj qhov lag luam tau txais txhua hlis. Qhov nyiaj no **tsis** xam cov nyiaj txiav tawm (deductions) thiab cov nyiaj siv (expenses). Ib cov piv txwv ntwam cov nyiaj tau txais thiab nyiaj muag khoom yog nyiaj pub (tips), nyiaj muag phau ntawv los yog ntaub ntawv khaws cia, cov nyiaj royalties, nyiaj paj (interest income), thiab cov nyiaj tau (net capital gains).

2. Lwm yam nyiaj tau los – qhia kom meej

Yog koj qhov lag luam tau txais lwm yam uas koj tsis tau muab tso rau ntwam Cov nyiaj tau txais tas nrho thiab/los yog cov nyiaj tau los ntwam muag khoom (Gross receipts and/or sales) (xws li nyiaj koj tau txais li yog ib tus khub koom ua lag luam, cov nyiaj muaj cai tau, nyiaj paj laum, thiab cov nyiaj khwv tau tshaj), sau qhov nyiaj tas nrho uas koj tau txais rau qhov ntawd txhua hlis. Qhia rau peb paub me ntsis txog qhov nyiaj no.

B. QHOV LAG LUAM COV KEV SIV NYIAJ TAS NRHO

1. Nqi zog thiab nyiaj commission them rau cov neeg ua hauj lwm

Sau cov nyiaj tas nrho ntwam cov nqi zog thiab cov nyiaj commission uas them rau cov neeg ua hauj lwm txhua hlis. Qhov nyiaj no muaj cov nyiaj pub bonus thiab cov nyiaj them rau cov khub koom lag luam (cov nyiaj uas yuav tsum them rau cov khub koom lag luam tab txawm koj qhov lag luam ua tsis tau nyiaj). **Tsis** txhob muab cov nyiaj nqi zog los yog nyiaj commission uas them rau koj tso rau ntwam no.

- 2. Tus neeg ua hauj lwm cov phaj tshab (benefit), nyiaj laus (pensions), nyiaj paj pub rau cov neeg ua hauj lwm (profit sharing)**
 Sau cov nyiaj tas nrho uas koj qhov lag luam them rau cov neeg ua hauj lwm cov phaj tshab (benefit), cov nyiaj laus (pensions), thiab cov nyiaj paj pub rau cov neeg ua hauj lwm txhua hlis. Ib cov piv txwv ntawm cov neeg ua hauj lwm cov phaj tshab yog ntawv tuav pov hwm kho mob (health insurance), nyiaj them raug mob ntawm hauj lwm, thiab nyiaj poob hauj lwm.
- 3. Kev tawm mus ncig**
 Sau cov nyiaj tas nrho uas koj qhov lag luam siv rau cov kev tawm mus ncig ntsig txog qhov lag luam txhua hlis. Ib cov piv txwv yog pib dav hlau, them tsheb xauj, them chaw nres tsheb, nqi noj haus, thiab nqi chaw pw rau tej rooj sib tham thiab koob tsheej rau qhov lag luam. Cov kev siv nyiaj rau qhov tawm mus ncig ntsig txog qhov lag luam **tsis** muaj cov nyiaj siv rau kev tawm mus los thaum mus ua hauj lwm los yog tus kheej kev tawm mus ncig.
- 4. Tsheb**
 Yog koj qhov lag luam muaj ib lub tsheb los yog koj siv tus kheej lub tsheb rau koj qhov lag luam, sau qhov nyiaj tas nrho uas koj siv rau tsheb txhua hlis. Ib cov piv txwv muaj xws li mileage, ntawv tuav pov hwm tsheb, roj, thiab nqi them kho tsheb. Cov kev siv nyiaj rau tsheb **tsis** xam cov kev siv nyiaj tsav tsheb mus los ntawm txoj hauj lwm. Yog koj siv koj lub tsheb rau tus kheej thiab rau qhov lag luam tib si, tsuas sau qhov nyiaj uas siv rau qhov lag luam xwb.
- 5. Xauj tsev**
 Sau cov nyiaj tas nrho uas koj qhov lag luam siv rau xauj tsev, av, tshuab, cuab yeej, tsiaj, los yog lwm yam txhua hlis.
- 6. Kho vaj kho tsev thiab tu tej cuab yeej siv**
 Sau cov nyiaj tas nrho uas koj qhov lag luam siv kho thiab tu tej cuab yeej siv txhua hlis. **Tsis** txhob sau cov nyiaj kho tsheb uas koj twb sau rau hauv kab lus 4 Tsheb lawm.
- 7. Xov tooj thiab hluav taws**
 Sau cov nyiaj tas nrho uas koj qhov lag luam siv them xov tooj thiab hluav taws (xws li roj thiab fais fab) txhua hlis. Yog koj siv koj lub tsev ua lag luam, tsuas sau cov nyiaj uas siv rau qhov lag luam rau ntawm no xwb.
- 8. Ntaub ntawv thiab khoom siv**
 Sau cov nyiaj tas nrho uas koj qhov lag luam siv **tau siv** yuav ntaub ntawv thiab khoom siv txhua hlis. Ib cov piv txwv muaj xws li computer, ntawv siv, kua cwj mem, thawv ntawv, ris tsho, khoom tawv xws li xuab zeb thiab pob zeb, txiag ntoo, cov piv txwv (samples), thiab lub tuam txhab cov cim khoom lag luam (company-branded items).
- 9. Thauj khoom**
 Sau cov nyiaj tas nrho uas koj qhov lag luam siv rau kev thauj khoom txhua hlis. Qhov no muaj xws li cov kev siv nyiaj xa thiab thauj tej khoom uas koj **tsis** tau muab tso rau kab lus 4 Tsheb thiab kab lus 8 Ntaub ntawv thiab khoom siv. Ib cov piv txwv rau cov kev siv nyiaj no yog qhwv khoom, tum khoom, xa khoom, thiab ntim thiab thau khoom.
- 10. Nqi them rau kws lij choj thiab cov kws ua hauj lwm tshaj lij**
 Sau cov nyiaj tas nrho uas koj qhov lag luam siv rau cov nqi them rau kws lij choj thiab cov kws ua hauj lwm tshaj lij txhua hlis. Ib cov piv txwv muaj xws li cov nyiaj them rau cov ntawv pub ua lag luam (permits); ntawv pov thawj (certifications); los yog lub zos, xeev, teb chaws cov ntawv tso cai (licenses). Ib cov piv txwv ntawm cov nqi them rau cov kws ua hauj lwm tshaj lij muaj xws li cov tuav nyiaj txiag (accountants), kws lij choj, thiab cov muab tswv yim rau fab nyiaj txiag.
- 11. Kev tawm xov xwm qhia qhov lag luam, nyiaj them raws sij hawm, thiab ntawv tseb**
 Sau cov nyiaj tas nrho uas koj qhov lag luam them rau kev tawm xov xwm qhia qhov lag luam (advertising), nyiaj them raws sij hawm (dues), thiab ntawv tseb (publications) txhua hlis. Ib cov piv tawv tawm xov xwm qhia txog qhov lag luam muaj xws li cov xov xwm qhia nyob ntawm cov webpages, social media, ntawv dai tom tej kev (billboards), ntawv xov xwm, phau ntawv xov tooj, thiab xa ntawv tawm. Ib cov piv tawv ntawm cov nyiaj yuav tau them raws sij hawm muaj xws li nqi them ua tswv cuab rau hauv cov koom txoos tshaj lij, cov koom haum ua lag luam, thiab cov

thawj tswj hwm kev muag vaj muag tsev. Ib cov piv txwv ntawm cov ntawv tseb muaj xws li cov nyiaj siv yuav ntawv xov xwm thiab cov ntawv nyeem txog kev ua lag luam.

12. Se (tsis xam cov ntaub ntawv ua se rov qab)

Sau cov nyiaj tas nrho uas koj qhov lag luam them rau se txhuas hlis. Ib cov piv txwv ntawm qhov lag luam cov se yog cov nyiaj them rau se vaj tse uas ua rau koj khwv tau nyiaj los thiab lub xeev thiab lub zos cov se uas koj them li yog ib tus neeg muag khoom. **Tsis** txhob tso cov se ua rov qab (income taxes) rau ntawm no.

13. Kev tuav pov hwm (insurance)

Sau cov nyiaj tas nrho uas koj qhov lag luam them rau kev tuav pov hwm qhov lag luam txhua hlis. Ib cov piv txwv yog cov nyiaj them rau kev tuav pov hwm lub tsev los yog qhov chaw ua lag luam, tuav pov hwm cov cuab yeej siv, thiab tuav pov hwm thaum ua tej yam yuam kev (casualty insurance). **Tsis** txhob sau cov nyiaj them rau tuav pov hwm kho mob, tuav pov hwm raug mob ntawm hauj lwm, thiab tuav pov hwm thaum poob hauj lwm uas koj twb tso rau ntawm kab lus 2 Tus neeg ua hauj lwm cov phaj tshab (benefit), nyiaj laus (pensions), nyiaj paj pub rau cov neeg ua hauj lwm (profit sharing).

14. Tus nqi muas av vaj tse, khoom muaj nqis rau lag luam, cuab yeej siv ua lag luam, thiab cov khoom siv mus ntev

Yog koj qhov lag luag tau yuav cov vaj tse los yog av uas khwv tau nyiaj los, cov khoom muaj nqis (capital assets), cov cuab yeej siv (capital equipment), thiab/los yog cov khoom siv mus ntev (cov khoom uas tsis muab siv tam sid thiab nyob nyob mam yuav) sij hawm ib hlis ntawm cov hli, sau tus nqi uas koj them rau tag nrho. Sau qhov nyiaj ntawd rau. Ib cov piv txwv ntawm cov no yog cov vaj tse, cov tshuab uas muab siv los tsim cov khoom, cov tuam tsev xws li cov tsev (kennels) uas muab siv rau koj qhov lag luam, ib lub tsev uas koj muab xauj rau lwm tus, thiab cov khoom uas koj muab siv los mus ceev koj qhov lag luam xws li khoom toys, cuab yeej hauv chaw ua zaub mov noj, thiab rooj zaum. Txhob sau cov khoom uas koj twb muab tso rau lwm kab lus lawm rau ntawm no.

15. Tus nqi them rau av vaj tse, khoom muaj nqis rau lag luam, cuab yeej siv ua lag luam, thiab cov khoom siv mus ntev

Yog koj lub lag luam them rov rau ib qhov nyiaj koj taxais los muas cov av vaj tse, khoom muaj nqis rau lag luam, cuab yeej siv ua lag luam, thiab/los yog cov khoom siv mus ntev (cov khoom tsis yog siv tam sis thiab tsis yog nquag yuav tau muas), sau tus nqi uas koj them txhua lub hlis twg ua feem ntawm qhov nyiaj txais. **Tsis** txhob xam cov uas koj twb sau rau lwm cov kab lawm.

16. Khoom poob nqi

Sau cov nyiaj poob tas nrho ntawm koj cov khoom ntiag tug (chwv tau), xws li rooj tog khoom vaj khoom tsev, thiab cuab yeej siv rau txhua hlis.

17. Kev tsis muaj lawm

Sau qhov nyiaj poob tag nrho ntawm koj lub lag luam rau cov xeeb txawm hauv av uas muaj nqis hauv txhua lub hlis.

18. Kev them nuj nqi kom tas mus ib lub sij hawm ntev

Sau cov nyiaj poob tas nrho ntawm koj cov khoom ntiag tug (chwv tsis tau), xws li cov cim lag luam (trademarks), patents, los yog copyrights, rau txhua hlis.

19-21. Lwm cov kev siv – qhia kom meej

Yog koj muaj lwm cov kev siv nyiaj uas koj tsis tau muab tso rau lwm qhov, sau qhov nyiaj tas nrho txhua hlis rau ntawm no. Thiab, piav me ntsis seb qhov siv nyiaj ntawd yog them rau dab tsi. Ib cov pivtxwv uas koj muab tso tau rau ntawm no yog nqi them rau tuam txhab tso nyiaj, tsiaj txhu kev xya me nyuam ntxiv, xyoob ntoo, los yog tas nrho cov nqi nyiaj paj (interest) uas them txhua hlis rau cov nyiaj txais yuav cov khoom vaj tse los yog av uas khwv tau nyiaj los, cov khoom muaj nqi (capital assets), cov cuab yeej siv (capital equipment), thiab cov khoom siv mus ntev.

USDA COV LUS Tsis PUB CAIS Tsis RAWs CAI

Lub tuam tsev no yog ib qhov chaw muab vaj huam sib luag rau sawv daws.